

**ՀԵՂԱՓՈԽԱԿԱՆ ՏԱԿՏԻԿԱՅԻ ՀԱՐՑԵՐՆ ԱՐԵՎԵԼՔԻ ԿՈՄՈՒՆԻՍՏԱԿԱՆ
ԿԱԶՄԱԿԵՐՊՈՒԹՅՈՒՆՆԵՐԻ ՀԱՄԱՌՈՒՍԱԿԱՆ ՀԱՄԱԳՈՒՄԱՐՆԵՐՈՒՄ**

ՀՐԱՅՐ ԴԱՐՔԻՆՅԱՆ

Հոկտեմբերյան սոցիալիստական մեծ հեղափոխության հաղթանակից հետո կոմունիստական շարժումը լայնորեն զարգանում էր նաև Ռուսաստանի ազգային ծայրամասերում: ՌԿ(Բ)Կ Կենտկոմն այդ շրջաններում կուսակցական աշխատանքին մեծ նշանակություն էր տալիս: Ազգային ինքնավար հանրապետություններում և մարզերում գործում էին ՌԿ(Բ)Կ ազգային սեկցիաները: Ի. Լենինի նախաձեռնությամբ, 1918 թ. հոկտեմբերին ՌԿ(Բ)Կ Կենտկոմին առընթեր ստեղծվեց ՌԿ(Բ)Կ-ի մուսուլմանական կազմակերպությունների Կենտրոնական բյուրո, որը ղեկավարում էր այդ սեկցիաների գործունեությունը: Լեյդ սեկցիաները մեծ գործ կատարեցին կուսակցության շուրջը տարբեր ազգությունների աշխատավորների համախմբման, կուսակցական կադրերի պատրաստման և դաստիարակման գործում:

Մուսուլմանական կազմակերպությունների Կենտրոնական բյուրոյի նախաձեռնությամբ և ՌԿ(Բ)Կ Կենտկոմի որոշմամբ 1918 թ. նոյեմբերին (4—5-ը և 8—12-ը) Մոսկվայում տեղի ունեցավ Արևելքի ժողովուրդների կոմունիստական կազմակերպությունների համառուսական I համագումարը¹:

Համագումարում միջազգային դրուժյան մասին զեկուցումով հանդես եկավ Դ. Բունիաթջադեն: Խոսելով իմպերիալիստական երկրների զաղուժատիրական քաղաքականության և Հոկտեմբերյան սոցիալիստական մեծ հեղափոխության համաշխարհային-պատմական նշանակության մասին, զեկուցողը կանգ առավ ազգային շրջաններում սովետական իշխանության քաղաքականության, կուսակցական աշխատանքի ձևերի ու մեթոդների վրա: Ընդունված բանաձևում համագումարն առաջարկում էր «Արևելքի ժողովուրդների կոմունիստների ներկայացուցիչներից ստեղծել միջազգային պրոպագանդայի բաժին»՝ կովկասյան, թուրքական, պաղսկական և այլ ենթաբաժիններով²: Համագումարն ընտրեց ՌԿ(Բ)Կ մուսուլմանական կազմակերպությունների Կենտրոնական բյուրո³, որը հետագայում վերանվանվեց Արևելքի ժողովուրդների կոմունիստական կազմակերպությունների Կենտրոնական բյուրո. այն միավորեց ինչպես Թուրքեստանի, Բաշկիրիայի, Պովոլժիեյի, Կիրգիզիայի, Կովկասի, այնպես էլ Թուրքիայի, Պարսկաստանի, Ադրբեջանի, Բուխարայի և Վրաստանի կոմունիստական խմբերին, որոնք աշխատում էին Սովետական Ռուսաստանում: Կենտրոնական բյուրոյին կից այլ սեկցիաների հետ միասին գործում էին նաև ադրբեջանական ու վրացական սեկցիաները:

Արևելքում կոմունիստական գաղափարների տարածման գործում կարևոր դեր խաղաց նաև Անդրկովկասի մուսուլմանների գործերի կոմիսարիատը (Աստորախանում), որի նախագահն էր Ն. Նարիմանովը: Կոմիսարիատի խնդիրն էր մամուլի և ագիտացիայի միջոցով Անդրկովկասի մուսուլման աշխա-

¹ ՄՄԿԿ Կենտկոմին առընթեր մարքսիզմ-լենինիզմի ինստիտուտի կենտրոնական կուսակցական արխիվ (այսուհետև ՄԼԻ ԿԿԱ), ֆ. 17, ց. 2, պ. մ. 1, թ. 5:

² Նույն տեղում, թ. 5:

³ ՄՍՀՄ Հոկտեմբերյան հեղափոխության պետական կենտրոնական արխիվ (այսուհետև՝ ՄՍՀՄ ՀՀԿԿԱ), ֆ. 1318, ց. 1, պ. մ. 84, թ. 8:

տավորների շրջանում տարածել «կոմունիզմի գաղափարները և հիմք ստեղծել խաների, բեգերի, կապիտալիստների լծից ալը աշխատավոր մասսայի ազատագրման համար»⁴, 1919 թ. հունվարի 16-ին ՌՍՖՍՀ-ի ազգութայինների ժողովում Մոսկվայում ստեղծեց կոմիսարիատին կից Անդրկովկասի մուսուլմանների գործերի բաժին: Այն հսկայական աշխատանք կատարեց Սովետական Ռուսաստանի տարածքում ապրող մուսուլման աշխատավորների շրջանում կուլտուր-լուսավորական շինարարության ասպարեզում, պատրաստեց և աշխատողներ ուղարկեց Անդրկովկաս: Բաժնի աշխատանքը հատկապես գործնական բնույթ ստացավ կադմիք բանակի կողմից Հյուսիսային Կովկասում սպիտակ-գվարդիականների ջախջախումից և սովետական իշխանության վերահաստատումից հետո: Ազգութայինների ժողովիսարիատի 1920 թ. հունվարի 5-ի որոշմամբ ն. Նարիմանովն ուղարկվեց Կովկաս և ստանձնեց Անդրկովկասի մուսուլմանների գծով կոմիսարի պաշտականությունը: Հատկացվեց 200 հազար ռուբլի՝ աշխատանքները տեղում կազմակերպելու համար⁵:

Սովետական Ռուսաստանում գտնվող մուսուլման կոմունիստներն ակտիվորեն մասնակցում էին սովետական իշխանության թշնամիների դեմ մղվող պայքարին: 1919 թ. ձևավորվեց մուսուլմանական հատուկ ջոկատը: 11-րդ կարմիր բանակում ևս կալին մի քանի մուսուլմանական մարտական ջոկատներ, որոնք հերոսաբար մարտնչեցին Հյուսիսային Կովկասում, Ցարիցինի (Վոլգոգրադ) մոտ, Աստրախանում:

Հյուսիսային Կովկասի ազատագրումը սպիտակգվարդիականներից նպաստավոր պայմաններ ստեղծեց Անդրկովկասում կոմունիստական աշխատանքի ծավալման համար: Շուտով Ռուսաստանում ապրող ու աշխատող անդրկովկասցի շատ կոմունիստներ վերադարձան Անդրկովկաս և նոր ուժով լծվեցին տեղի կոմունիստական կազմակերպությունների գործունեության ակտիվացմանը: Իր աշխատանքներն ակտիվացրեց նաև «Հումմեթը», Նոա օրգան «Հումմեթ» թերթը հսկայական դեր խաղաց մուսուլման աշխատավորության շրջանում կոմունիստական գաղափարների տարածման գործում:

Կոմիտեների ստեղծումով սկսվեց բոլշևիկյան կուսակցության և Սովետական Ռուսաստանի շուրջը նոր ձևավորվող կոմկուսակցությունների համախմբումը: Կոմիտեների I կոնգրեսի մանիֆեստը վճռականորեն մերկացնում էր իմպերիալիզմի գաղութային քաղաքականությունը և առաջին պլան էր մղում հեղափոխական պայքարի միջոցով Արևելքի ճնշված ժողովուրդների ազատագրման խնդիրը: Այդ փաստաթղթում միտք էր հայտնվում Արևելքի երկրների ոչ կապիտալիստական զարգացման հնարավորության մասին՝ Նվրոպայի սոցիալիստական երկրների կողմից գաղափարական և նյութական աջակցության պայմանների դեպքում: Դրա հետ միաժամանակ գաղութների և կիսագաղութների ազատագրումը դիտվում էր գաղութատեր պետություններում կատարվելիք պրոլետարական հեղափոխությունների հետ սերտ կապի մեջ:

Առաջին կոնգրեսի որոշումներում պարզորոշ արտահայտված էր Կոմիտեների ձգտումը՝ աջակցելու ազգային-ազատագրական շարժումներին, ստեղծելու ճնշված ժողովուրդների հակաիմպերիալիստական ճակատ՝ գաղութատիրության վերացման համար: Կոնգրեսում առաջ քաշվեց «Կեցցե Արևելքի ճնշված ժողովուրդների հեղափոխական դաշինքը Ռուսաստանի և Նվրոպայի սոցիալիստական բանվորների հետ»⁶ լոզունգը: Այս շրջանում Արևելքի առաջին սերունդի շատ կոմունիստների հատուկ էին «ձախուժյուն» բնույթի սխալներ, որոնք արտահայտվում էին գլխավորապես այն բանում, որ առաջ էր քաշվում Արևելքի երկրներում սոցիալիստական հեղափոխության անհրաժեշտությունը և ժխտվում էր ազգային բուրժուազիայի դերը հակաիմպերիալիստական պայքարում: Սակայն այդ հիվանդությունն ուներ նաև մեկ այլ դրսևորում. որոշ կոմունիստներ

⁴ ՄԻԻ ԿԿԱ, ֆ. 17, ց. 42, պ. մ. 32, թ. 60:

⁵ ՍՍՀՄ ՀՀԳԿԱ, ֆ. 1318, ց. 1, գ. 4(21), թ. 13:

⁶ «Коммунистический Интернационал», 1919, № 4, с. 563.

զերազանհատում էին ռազմական գործունի նշանակությունը՝ գաղութների ազգային և սոցիալական ազատագրման գործում: «Ձախերն» առաջարկում էին շրջանցել ազգային-ազատագրական պայքարի դեմոկրատական փուլը կամ, ավելի ճիշտ, ազգային-ազատագրական հեղափոխությունը վերածել սոցիալիստականի և, այսպիսով, անմիջապես լուծել ազգային ու սոցիալական ազատագրության խնդիրները: Իհարկե, «ձախերը» չէին ժխտում, որ Արևելքի երկրներում պրոլետարիատը ծայրահեղորեն թույլ է և թվով քիչ: Նրանք չէին ժխտում նաև, որ աշխատավորության մեծամասնությունը կազմում է գյուղացիությունը, որը հետամնաց էր՝ վարակված կրոնական ֆանատիզմով և գտնվում էր ռեակցիոն դասակարգերի ազդեցության տակ: Բայց, ձգտելով ավելի արագորեն հաղթահարել այդ արգելիչ գործոնները, «ձախերը» գտնում էին, որ միայն Սովետական Ռուսաստանի հեղափոխական բանակի՝ ռազմական արշավանքը կարող է իրականացնել ազգային և սոցիալիստական հեղափոխությունների միաժամանակյա հաղթանակն Արևելքի սահմանակից երկրներում:

Ազատագրական ռազմական արշավանքի մասին նշված թեզն առաջին անգամ բարձրացվեց Արևելքի ժողովուրդների կոմունիստական կազմակերպությունների համառուսական I համագումարում:

Հեղափոխական բանակի ռազմական արշավանքի անհրաժեշտության մասին դրույթը հատկապես եռանդուն առաջ էին քաշում և պաշտպանում «Ժիդն նացիոնալիստեյ» թերթը և Արևելքի ժողովուրդների կոմունիստական կազմակերպությունների Կենտրոնական բյուրոյի անդամների մի մասը: Այդ ժամանակ Արևելքում Հոկտեմբերյան հեղափոխության և քաղաքացիական պատերազմի ճակատներում կարմիր բանակի հաղթանակների հաղթանակության տակ ընդլայնվում էր ազգային-ազատագրական շարժումը: Որոշ երկրներում ծավալվեց պարտիզանական պայքար: Այս ամենը որոշ ընկերների մոտ առաջ բերեց Արևելքի սահմանակից երկրներում հեղափոխությունն արագացնելու միտքը: ԻԿ(բ)Կ Կենտկոմին հղած իր նամակներից մեկում Կենտրոնական բյուրոն նշում էր, որ «Արևելքում հեղափոխական շարժման զարգացումը և խորացումը Կենտրոնական բյուրոյին ակամա դնում է ռազմական կազմակերպության դրույթյան մեջ»⁷: Իսկ «Ժիդն նացիոնալիստեյ» թերթը տպագրեց մի շարք հոդվածներ, որոնցում «հիմնավորում էր» դեպի Արևելք հեղափոխական ռազմական արշավանք սկսելու անհրաժեշտությունը: Խմբագրական հոդվածներից մեկում նշվում էր, որ «հարկավոր է Թուրքեստանին տալ ուժեղ բանակ և հեղափոխության գործը Ասիայում կտառածվի հսկայական քայլերով»⁸: Սակայն կուսակցությունը չգնաց այդ ուղիով, գտնելով, որ հարկավոր է ոչ թե հեղափոխության արագացում, այլ հեղափոխության նախապատրաստության արագացում»⁹: Վ. Ի. Լենինը վճռականորեն մեղծում էր դրսից հեղափոխություն մտցնելու ռազմական մեթոդները, պաշտպանում պրոպագանդայի և ագիտացիայի միջոցով հեղափոխական առաջավոր կուսակցությունն ստեղծելու գաղափարը:

Ազգային-գաղութային հեղափոխություններում ռազմական գործոնի մասին հարցը նորից բարձրացավ Արևելքի ժողովուրդների կոմունիստական կազմակերպությունների համառուսական II համագումարում: Այն տեղի ունեցավ Լոսկվայում՝ 1919 թ. նոյեմբերի 22-ից դեկտեմբերի 3-ը, Համագումարին մասնակցում էին 71 պատվիրակներ վճռական և 11 պատվիրակներ՝ խորհրդակցական ձայնի իրավունքով: Նրա աշխատանքներին ակտիվորեն մասնակցեցին նաև Անդրկովկասի կոմունիստական կազմակերպությունների (ոչ միայն մուսուլմանական) ներկայացուցիչներից շատերը: Համագումարի բացման նախօրյակին ԻԿ(բ)Կ Կենտկոմի և համագումարի մի խումբ պատվիրակների մասնակցությամբ տեղի ունեցավ խորհրդակցություն, որը ղեկավարում էր Վ. Ի. Լենինը: Նրա կատարած դիտողություններն ընկան համագումարի որոշումների

7 ՄԼի ԿԿ, ֆ. 17, ց. 2, գ. 29, թ. 48:

8 «Жизнь национальностей», 15. VI. 1919.

9 Վ. Ի. Լենին, ՆԼԺ, հ. 41, էջ 546:

և այն զեկուցման հիմքում, որով նա հանդես եկավ համագումարի բացման օրը: Խոսելով սովետական հանրապետության միջազգային ու ներքին դրության մասին, Վ. Ի. Լենինը կանգ առավ քաղաքացիական պատերազմի առաջին շրջանում նրա ձեռք բերած հաղթանակի նշանակության վրա՝ նաև Արևելքի ժողովուրդների ազգային-ազատագրական շարժումների զարգացման համար: Միջազգային հեղափոխությանը ձեր մասնակցությունը ձեռք կկանգնեցնի բարդ ու դժվարին խնդրի առաջ, — ասում էր Վ. Ի. Լենինը, — որի լուծումն ընդհանուր հաջողության հիմք կծառայի, որովհետև այստեղ առաջին անգամ բնակչության մեծամասնությունը շարժվում է ինքնուրույն կերպով և ակտիվ գործոն կդառնա միջազգային իմպերիալիզմի տապալման համար մղվող պայքարում»¹⁰: Վ. Ի. Լենինի զեկուցման հիման վրա ընդունվեց բանաձև, որը հանձնվեց համագումարի նախագահությանը:

Համագումարում լուրջ վիճարանություններ առաջացան ազգային-գաղութային հեղափոխություններում ռազմական գործոնի դերի հարցի շուրջ: Գլխավոր զեկուցողը Մ. Սուլթան-Գալիևն էր: Նա զարգացրեց այն միտքը, որ Կուլչակի և Դենիկինի դեմ կարմիր բանակի հաղթանակները և նույնիսկ Ռուսաստանում քաղաքացիական պատերազմի ավարտը երկրին կտա միայն որոշ ընդմիջում: Դրանից հետո կսկսվի միջազգային հեղափոխություն ու միջազգային քաղաքացիական պատերազմ, որին անխուսափելիորեն կմասնակցեն նաև Արևելքի ճնշված երկրների՝ Թուրքիայի, Պարսկաստանի, Հնդկաստանի, Աֆղանստանի և այլ երկրների ժողովուրդները: «Մենք պետք է նախապատրաստվենք նման պայքարի, — ասում էր Մ. Սուլթան-Գալիևը: — Դրա համար մենք Արևելքի հեղափոխականացած ժողովուրդներից՝ թաթարներից, բաշկիրներից, թուրքեստանցիներից, կիրգիզներից պետք է... ստեղծենք արևելյան կարմիր բանակ... որը պետք է գործի Արևելքում... միջազգային իմպերիալիզմի կամ հենց Արևելքի դեմ, եթե Արևելքն օգտագործվի... իմպերիալիզմի կողմից»¹¹: Մ. Սուլթան-Գալիևը հաղորդեց, որ մուսուլմանական կամ արևելյան կարմիր բանակ ստեղծելու գաղափարը պատկանում է Արևելքի ժողովուրդների կոմունիստական կազմակերպությունների Կենտրոնական բյուրոյին¹²: Մուսուլմանական բանակի ստեղծման և դեպի Արևելք նրա երթը նախապատրաստելու մասին Մ. Սուլթան-Գալիևի առաջարկը հանդիպեց ՌՍՖՍՀ-ի ռազմահեղափոխական կոմիտեի անդամ Ռ. Քաթանյանի դիմադրությանը: Նոյեմբերի 24-ի նիստում նա ասաց. «Երբ ընկ. [Սուլթան-Գալիևը] ասում է, թե անհրաժեշտ է կենտրոնացնել մուսուլմանական զորամասերը որոշակի վայրերում, որպեսզի նրանք գտնվեն մուսուլմանների տրամադրության տակ, ինձ մոտ հարց է առաջանում. իսկ դուք մոռացե՞լ եք, որ երբ Պետրոգրադի վրա հարձակվում էր Յուգենիյը, բաշկիրական բրիգադան հսկայական ծառայություն մատուցեց հեղափոխությանը նրանով, որ կոպում էր Նևայի ափերին: Հարձակվում է Դենիկինը: Այժմ ամեն մի ավելորդ մարդ մեզ հարկավոր է...: Իսկ մեզ ասում են՝ վերցրե՛ք այդ զինվորներին: Ինձ մոտ հարց է առաջանում՝ որտե՞ղ ենք մենք գտնվում, ջախջախվա՞ծ է արդյոք Դենիկինը: Եվ մի՞թե մուսուլմանական զորամասերը կատարում են իրենց համար այլ գործ: Մի՞թե քշելով Դենիկինին՝ նրանք չեն գնում ազատագրելու Դաղստանը, Ադրբեջանը, չեն նպաստում այն բանին, որպեսզի հեղափոխությունն անցնի Պարսկաստան, [իսկ հետո] նաև ավելի հեռու, որպեսզի այն ընդգրկի ողջ Ասիան...: Մուսուլմանական զորամասերը պետք է մնան այնտեղ, որտեղ նրանց պահանջում է հեղափոխությունը»: Ռ. Քաթանյանը բացատրում էր, թե ինչ պետք է հասկանալ Արևելքի հեղափոխականացում հասկացության ներքո: Նա ցույց էր տալիս, որ Արևելքի հեղափոխականացումը պետք է իրականանա ոչ թե սվիդների օգնությամբ, այլ գաղափարների տարածման միջոցով: «Հարկավոր է, — ասում էր նա, — որ...

10 Վ. Ի. Լենին, ԵԼԺ, հ. 39, էջ 402:

11 ՄԼԻ ԿԿԼ, ֆ. 17, ց. 2, գ. 4, ք. 206—207:

12 Նույն տեղում, ք. 179:

այնպիսի կոմունիստները, որոնք ուղեորվում են Արևելք, ժողովրդին կարողանան տալ որոշակի սոցիալական լուրջագներ: Նախ և առաջ պետք է առաջ քաշվի «ամբողջ հողը ժողովրդին» պահանջը, և երբ այն կիրականանա, «այնտեղ, հենց տեղում կստեղծվի մեծ քաջարի կարմիր բանակ, որը կմիանա մեր բանակի հետ, առաջ կընթանա և վերջիվերջո կհաղթի»¹³: Ռ. Քաթանյանին պաշտպանեց Վ. Լուկաշովը: Նա հայտարարեց, որ հանդես է գալիս այն պնդման դեմ, թե իբր անհրաժեշտ է ռազմական ուժերը կենտրոնացնել Արևելքում¹⁴: Տպավորիչ ճառով հանդես եկավ Ս. Սախո-Գալիկը, պնդելով, որ «Մենք չենք կարող այժմ գնալ Արևելք՝ սվիններ թանակով: Չի կարելի հեղափոխություն մտցնել դրսից: Հեղափոխություն պետք է կատարել ներսից»¹⁵:

Բայց և այնպես համագումարը պաշտպանեց Մ. Սուլթան-Գալիկի ազգային-ձախ թեզը և նրա զեկուցման հիման վրա ընդունած բանաձևում (արևելյան հարցի մասին) խորհուրդ տվեց «ձեռնամուխ լինել արևելյան ինտերնացիոնալիստական դասակարգային կարմիր բանակի ստեղծմանը, որպես միջազգային կարմիր բանակի բաղկացուցիչ մաս»¹⁶: Սովետական կառավարությունը, սակայն, վճռականորեն մերժեց մոսկովյանական բանակի ստեղծման գաղափարը:

Արևելքի կոմունիստական կազմակերպությունների համառուսական II համագումարում բանավեճ տեղի ունեցավ նաև Ասիայի երկրներում ազգային-ազատագրական ու լատվորական շարժման և այլ հարցերի շուրջը: Համագումարում մեծ վիճաբանություններ տեղի ունեցան համաշխարհային հեղափոխական պրոցեսում Արևելքի ազատագրական պայքարի տեղի և դերի հարցի շուրջ: Գլխավոր զեկուցման (Մ. Սուլթան-Գալիկ) մեջ զարգացվում էր այն միտքը, որ հենց Արևելքում են կենտրոնացված համաշխարհային սոցիալական հեղափոխության գլխավոր լծակները: Այդ նույն տեսակետը պաշտպանում էին նաև ուրիշ պատվիրակներ: «Արևելքը,— հայտարարում էր Մ. Սուլթան-Գալիկը,— հանդիսանում է հեղափոխական այն կաթսան, որը կարող է հեղափոխության մեջ ընկղմել ամբողջ Արևմտյան Եվրոպան»¹⁷: Իր դատողություններում նա ելնում էր այն բանից, որ Արևելքն արևմտյան կապիտալիզմի գոյության գլխավոր տնտեսական աղբյուրն է և, զրկվելով դրանից, նա չի կարող ալլես դիմանալ արևմտյան հեղափոխական, հարձակվող պրոլետարիատի հարվածներին: «Երբ Արևմուտքի բանվորները սկսում են առաջադրել այս կամ այն տնտեսական պահանջն իրենց բուրժուազիային,— ասում էր Մ. Սուլթան-Գալիկը,— ապա այդ բուրժուազիան համարյա միշտ բավարարում է [նրանց],... որովհետև այդ բուրժուազիան ունի ռեսուրսներ, ունի անհամար աղբյուրներ, որտեղից նա քամում է բոլոր անհրաժեշտ հյուսիքներ»¹⁸: Համաշխարհային հեղափոխական պրոցեսում Արևելքի վճռական դերի մասին նման միակողմանի, ազգային նեղ կոնցեպցիան լիովին աղավաղում էր իրականությունը, առաջ քաշում ոչ ճիշտ կողմնորոշում և դրա համար էլ քաղաքական առումով վտանգավոր էր: Անդրադառնալով հարցի տնտեսական կողմին, Մ. Սուլթան-Գալիկի կոնցեպցիան ավելի գիտակից և հեղափոխական եվրոպական պրոլետարիատին դնում էր անգործության մեջ, նրան ստիպելով սպասել Արևելքի հեղափոխությանը: Այդ «տեսություն» վտանգավորությունն այն էր, որ Արևմուտքի պրոլետարական հեղափոխական շարժումը և Արևելքի ազգային-ազատագրական պայքարը չէր համախմբում Սովետական Ռուսաստանի շուրջը:

¹³ Նույն տեղում, պ. մ. 4, թ. 231—232:

¹⁴ Նույն տեղում, թ. 261:

¹⁵ Նույն տեղում, թ. 235—236:

¹⁶ Նույն տեղում, ց. 65, գ. 9, թ. 56:

¹⁷ Նույն տեղում, ց. 2, գ. 4, թ. 203:

¹⁸ Նույն տեղում, թ. 201:

Մ. Սուլթան-Գալիեի դեմ հանդես եկավ Վ. Լուկաշովը: Նա նշեց, որ Արևելքն իր սոցիալ-տնտեսական զարգացմամբ չի կարող միանգամից ընդունել կոմունիստական գաղափարախոսությունը: «Եթե Արևելք գնանք կոմունիզմով,— ասաց նա,— ապա Արևելքը մեզ դուրս կանի: Արևելքում կոմունիզմի համար տեղ չկա այն ձևով, ինչ ներկայացված է մեզ»։ Դրա համար էլ Վ. Լուկաշովն առաջարկում էր դեպի Արևելք «գնալ նացիոնալիզմով», որը հասկանալի էր մասսաներին: Նա գտնում էր, որ ազգային ինքնուրույն պետությունների առաջացումը Արևելքում պետք է անցման աստիճան հանդիսանա սոցիալական վերակառուցման մեջ: Թեև, ասում էր նա, Արևելքում կան «բոլոր պայմանները՝ տնտեսական, ագրարային, որոնք հնարավոր են դարձնում այդ (սոցիալիստական—Հ. Դ.) կարգի ստեղծումը, բայց նրանք դեռևս ոչ գիտակից ժողովուրդներ են, և միայն դրա համար անմիջապես հնարավոր չէ սոցիալիստական հեղափոխությունը»: Մենք պետք է, կոչ էր անում նա, օգնենք ժողովրդին նախ և առաջ հասկանալու, որ այդպիսի պայմաններ իրականում գոյություն ունեն: Այն ժամանակ, ազգային պետությունների ստեղծումից հետո, ռևանը (ազգային պետությունները—Հ. Դ.) այժմ իսկ կսկսեն ներքնապես վերակառուցվել սոցիալական հիմքի վրա»¹⁹: Թեև Վ. Լուկաշովի միտքն այնքան էլ պարզ չէ, բայց երևում է, որ նա ճիշտ էր հասկացել համագումարում Վ. Ի. Լենինի առաջ քաշած այն դրույթը, որ Արևելքի երկրներում հերթի է դրված ազգային հեղափոխությունը, որի զարգացումը պայմաններ կստեղծեր սոցիալիստական հեղափոխության համար: Վ. Ի. Լենինը հաշվի առնելով, որ Արևելքի բնակչության մեծամասնությունը կազմում է գյուղացիությունը, ընդգծում էր այնտեղ միջնադարյան մնացուկների դեմ պայքարի առաջնահերթ լինելը²⁰, ազգային բուրժուազեմոկրատական հեղափոխության իրագործումը՝ ուղղված միջազգային իմպերիալիզմի և տեղական ֆեոդալների դեմ²¹:

Հետաքրքիր է նաև Ն. Նարիմանովի դիրքը, որը հանդես եկավ նրանց դեմ, ովքեր պնդում էին, թե Արևելքում սոցիալիստական հեղափոխության օբյեկտիվ պայմաններ չկան: Ե՛ս ասում եմ, որ կան,— հայտարարեց նա: Դա գյուղացիությունն է, որի դրությունը նրան ի վիճակի է դարձնում կատարելու սոցիալիստական հեղափոխություն և, այսպիսով, փոխհատուցել իրականում բանվորական համախմբված մասսաների բացակայությունն Արևելքում»²²:

Արևելքի ժողովուրդների կոմունիստական կազմակերպությունների համառուսական II համագումարը ցույց տվեց, որ կոմունիստները (սովետական և արևելյան) համառորեն փնտրում էին այն հարցերի պատասխանները, որոնք առաջ էին դալիս Արևելքի երկրներում ազգային-ազատագրական շարժման վերելքով: Բայց ունենալով ցածր տեսական պատրաստվածություն, նրանք Արևելքի մասին դատողություններ էին անում՝ մանրամասն գիտելիքներ չունենալով այս կամ այն կոնկրետ երկրում դասակարգային ուժերի տեղաբաշխման և նրանց սոցիալ-տնտեսական դրության վերաբերյալ: Ինչպես նկատեց Ս. Սաիր-Գալիեը, «ոչ միայն տեսական տվյալներ [չկան] արևելյան հարցի մասին, այլև նույնիսկ այդ հարցի մասին գրքույկներ շատ քիչ են լույս տե-

19 Նույն տեղում, ֆ. 17, ց. 2, գ. 4, Թ. 210, 253, 258:

20 Վ. Ի. Լենին, ԵԼԺ, հ. 39, էջ 403:

21 Վ. Ի. Լենին, ԵԼԺ, հ. 39, էջ 404:

22 Մի ԿԿՍ, ֆ. 17, ց. 2, գ. 4, Թ. 247:

սելա: Մինչև Ասիայում այս կամ այն քաղաքականության իրականացումը, ասում էր նա, «հարկավոր է ուսումնասիրել Արևելքը... լուսննալույս ֆունդամենտ, մենք չենք կարող նայել դեպի Արևելք...: Գիտելիքների բացակայությունը—ահա... այն բանի պատճառը, որ մենք պատվում ենք, ինչպես սկյուդը անիվի մեջ և ոչ ոք կոնկրետ ոչինչ չի կարող ասել...: Մենք գնում ենք իսթաբիլություն»²³:

Արևելյան հարցի վերաբերյալ նոյեմբերի 27-ին համագումարի ընդունած բանաձևում առկա էին մի քանի կարևոր և ճիշտ դրույթներ, որոնք իրենց տեսական մակարդակով նշանակալի չափով գերազանցում էին համագումարում տեղի ունեցած բանավեճի մակարդակը: Դրանք առաջին հերթին հետևյալ կետերն էին. կոմունիստների վերաբերմունքը Արևելքի ազգային շարժման նկատմամբ և հակաիմպերիալիստական բոլոր ուժերի միասնության անհրաժեշտությունը: Բանաձևի 8-րդ պարագրաֆում ասվում էր, որ Արևելքում կոմունիստների հեղափոխական աշխատանքը պետք է ընթանա երկու ուղղությամբ, որոնք «որոշվում են, մի կողմից... դասակարգային-հեղափոխական ծրագրով... որը թելադրում է Արևելքի երկրներում կոմունիստական կուսակցությունների աստիճանական կազմավորման անհրաժեշտությունը, իսկ մյուս կողմից ...Արևելքի դրույթամբ, որը թելադրում է Արևելքում ազգային շարժմանը աջակցելու անհրաժեշտությունը մինչև նրա ազգային շարժման հայտնի մոմենտը, որն ուղղված է այնտեղ արևմտաեվրոպական իմպերիալիզմի իշխանության տապալմանը, քանի որ այդ շարժումը չի հակասում միջազգային պրոլետարիատի դասակարգային-հեղափոխական ձգտմանը՝ տապալելու միջազգային իմպերիալիզմը»: Այդ թեզի զարգացման համար 9-րդ պարագրաֆում, որն ընդունվել էր Թուրքեստանյան պատվիրակության առաջարկով, ասվում էր, թե հարկավոր է «Արևելքի ճնշված ժողովուրդների գործողությունները համաձայնեցնել Արևմուտքի պրոլետարիատի գործողությունների հետ» և որ դրա համար «Ծրրորդ ինտերնացիոնալին պետք է հայտարարել, որ ազգային-ազատագրական շարժումը Արևելքում և սոցիալիստական հեղափոխությունը ներկայումս հետապնդում են ընդհանուր նպատակ՝ կապիտալիստ-իմպերիալիստների լծի տապալումը»²⁴: Այդ որոշումներում արտահայտվեց համագումարում Վ. Ի. Լենինի պատմական ելույթի ազդեցությունը: Վ. Ի. Լենինի ելույթն աչքի էր ընկնում Արևելքի երկրներին բնորոշ սոցիալ-տնտեսական կոնկրետ սլայմանների խոր վերլուծությամբ: Ոչ թե բանվորները, որոնք անցել են կապիտալի հետ դասակարգային պայքարի դպրոցը, այլ գյուղացիներն են կազմում Արևելքի բնակչության մեծամասնությունը, որը տառապում է միջնադարյան ճնշման տակ: Հետևաբար, ասում էր Վ. Ի. Լենինը, «հարկավոր է լուծել ոչ թե կապիտալի դեմ, այլ միջնադարյան մնացուկների դեմ մղվող պայքարի խնդիրը»²⁵: Դրա համար էլ հերթի էր դրված ոչ թե սոցիալիստական, այլ ազգային, բուրժուադեմոկրատական հեղափոխությունը, որն ուղղված է միջազգային իմպերիալիստների և տեղական ֆեոդալների դեմ: Երկու պետք է բազմալորվեք այն բուրժուական նացիոնալիզմի վրա, որ այդ ժողովուրդների մեջ արթնանում է և չի կարող չարթնանալ, և որը պատմական արդարացում ունի: Դրա հետ միասին դուք պետք է ճանապարհ հարթեք դեպի ամեն մի երկրի աշխատավոր և շահագործվող մասսաները և նրանց համար հասկանալի լեզվով ասեք, որ ազատության միակ հույսը միջազգային հեղափոխության հաղթանակն է, և որ միջազգային պրոլետարիատը հանդիսանում է Արևելքի բոլոր աշխատավոր և շահագործվող հարյուր միլիոնավոր ժո-

²³ Նույն տեղում, Թ. 234—235:

²⁴ Նույն տեղում, Գ. 65, գ. 9, Թ. 55—56:

²⁵ Վ. Ի. Լենին, ԵԺԺ, հ. 39, էջ 403:

դոմոլորդների միակ դաշնակիցը»²⁶ Վ. Ի. Լենինը գտնում էր, որ պետք է աջակցել ազգային-ազատագրական շարժումներին, որոնք չեն կորցրել իրենց հեղափոխական հնարավորությունները, հանդես գալ հակաիմպերիալիստական բուրժուազիայի հետ որոշակի համագործակցությամբ՝ նպաստելով նրա պայքարին, որն ուղղված է օտարերկրյա իմպերիալիզմի և տեղական ֆեոդալիզմի դեմ: Նա կոչ էր անում սովորել կոմունիստական տեսությունը կիրառելու Արևելքի հետամնաց երկրների սպեցիֆիկ պայմաններում, փնտրել Արևմուտքի պրոլետարիատի և Ասիայի աշխատավոր մասսաների դաշինքի ձևերը՝ իմպերիալիզմի դեմ միասնական պայքարի համար: «Խնդիրն այն է, — գրում էր Վ. Ի. Լենինը, — որ արթնացնենք աշխատավոր մասսաների ինքնագործունեությունը և կազմակերպման հեղափոխական ակտիվությունը, անկախ այն բանից, թե ինչ մակարդակի վրա են կանգնած նրանք, իսկական կոմունիստական ուսմունքը, որն ավելի առաջավոր երկրների կոմունիստների համար է նախանշված, թարգմանենք ամեն մի ժողովրդի լեզվով, իրագործենք այն գործնական խնդիրները, որ անհապաղ հարկավոր է իրագործել, և մյուս երկրների պրոլետարների հետ միաձուլվենք մեկ ընդհանուր պայքարում»²⁷:

Շատ կոմունիստների համար դժվար էր միանգամից հրաժարվել սոցիալիստական հեղափոխության, որպես Արևելքի երկրների կոմունիստների զբաղվող խնդրի, գաղափարից: Դժվար էր նաև միանգամից անցնել հակաիմպերիալիստական լայն, միասնական ճակատի, պրոպագանդիստական, հեղափոխական, կազմակերպական աշխատանքի գաղափարին, այն էլ բազմաթիվ տարիների համար: Պայքարը ձախուժյան դրսևորումների դեմ ազգային-ազատագրական շարժումներում շարունակվում էր Վ. Ի. Լենինի ելույթը բարձրացրեց այն կոմունիստների տեսական միտքը, որոնք աշխատում էին Արևելքի պրոբլեմների վրա:

Ելնելով սովետական երկրի արևելյան ժողովուրդների բոլոր կոմունիստական ուժերը ՌԿ(բ)Կ Կենտկոմի շուրջը սերտորեն համախմբելու անհրաժեշտությունից, համագումարը որոշեց ՌԿ(բ)Կ մուսուլմանական կազմակերպությունների Կենտրոնական բյուրոն վերանվանել ՌԿ(բ)Կ Կենտկոմին կից Արևելքի ժողովուրդների կոմունիստական կազմակերպությունների Կենտրոնական բյուրո, որը պետք է գործեր կուսակցության Կենտկոմի ղեկավարությամբ: Նրան հանձնարարվեց կարգավորել ազգային լեզուներով հրատարակությունները (թերթեր, ամսագրեր, բրոշյուրներ, թերթիկներ): Նշելով նախկին բյուրոյի աշխատանքներում տեղ գտած թերությունները (թույլ կապը տեղական կուսակցական կազմակերպությունների հետ, աշխատանքի ընդհանուր պլանի բացակայություն և այլն), համագումարը նոր բյուրոյին հանձնարարեց հատկապես ուշադրություն դարձնել տեղական կուսակցական կազմակերպությունների ամրապնդմանը, որոնք ստեղծվել էին պրոլետարական ինտերնացիոնալիզմի սկզբունքով²⁸, Համագումարն ընտրեց կոմունիստական կազմակերպությունների Կենտրոնական բյուրոն²⁹:

Արևելքի ժողովուրդների կոմունիստական կազմակերպությունների համառոտական I և II համագումարների որոշումները, ինչպես և հետագայում Վ. Ի. Լենինի «Ձախուժյան» մանկական հիվանդությունը կոմունիզմի մեջ» աշխատությունը վճռական նշանակություն ունեցան Արևելքի երկրներում (ինչպես և Ռուսաստանի ազգային շրջաններում) երիտասարդ կոմունիստների ձախուժյան բնույթի սխալների հաղթահարման գործում:

26 Վ. Ի. Լենին, ԵԼԺ, հ. 39, էջ 404:

27 Վ. Ի. Լենին, ԵԼԺ, հ. 39, էջ 403—404:

28 ՄԼԻ ԿԿԱ, ֆ. 17, ց. 2, պ. մ. 5, թ. 7, պ. մ. 6, թ. 1—2:

29 Նույն տեղում, պ. մ. 12, թ. 84:

ВОПРОСЫ РЕВОЛЮЦИОННОЙ ТАКТИКИ НА ВСЕРОССИЙСКИХ СЪЕЗДАХ КОМУНИСТИЧЕСКИХ ОРГАНИЗАЦИЙ ВОСТОКА

ГРАИР ДАРБИНЯН

Р е з ю м е

Победа Великой Октябрьской социалистической революции способствовала бурному развитию коммунистического движения и в национальных районах России.

По инициативе В. И. Ленина в октябре 1918 г. при ЦК РКП (б) было создано Центральное бюро мусульманской организации РКП(б), которое руководило работой национальных секций.

Большую роль в деле дальнейшего распространения идей марксизма-ленинизма сыграли всероссийские съезды коммунистических организаций народов Востока, в работе которых приняли активное участие также многие представители большевиков Закавказья. На II съезде с речью выступил В. И. Ленин. Он выдвинул положения, которые, найдя дальнейшее развитие в его других произведениях, стали важнейшими элементами стратегии и тактики Коминтерна в национально-освободительных движениях.